

آبونه شرائطی

ممالك عثمانیه ده سنه لکی (۶۵)، الق
آیلقی (۳۵) غروشددر .

ممالك اجنبیه ده سنه لکی (۱۷)، الق
آیلقی (۹) فرانقندر .

اداره خانه

باب عالی جاده سنده دائرة مخصوصه

اضطرابات

آبونه بدلی پشتدر .

§

مملکه موافق آثار مع الممنونیه قبول
اولنور . درج ایدله بن یازیلر اعاده
اولونماز .



اضطرابات

رساله مزدن آلدیغی کورمک شرطیه
بتون یازیلر هر هانکی بر خفته طرفه دن
اقتباس اولونه بیلیر .

§

مکتوبلرک، امضالرک واضح و اوقوناقلی
اولمسی و آبونه صره نومروسى محتوی
بولونمسی لازمدر .

§

ممالك اجنبیه ایچون آبونه اولانلرک
آدرساریشک فرانسزجه ده یازلمک و جا
اولنور .

§

پاره کوندرلدیکی، ان نه یه د ثراولدیغیک
واضعا بیلدیلمسی و جا اولنور .

بولغارستان قرالی نامه :

ناظر سابق جنرال صاووف جنابری، ناظر سابق موسیو ناچوویچ جنابری، مرخص ایلی موسیو طوشوف جنابری انتخاب ایدیلشد که مذکور الاسامی مرخصین حائز اولدقلری صلاحیت کامله یی تبلیغ وتبلغ ایله دکن صوکره مواد آتیده اختلاف ایله مشلدر :

برنجی ماده

ایکی مملکت آرمسند کی حدود ، بحر سیاهده واقع (سن ایوان) مناسرتینک جنوبده (ره زوایا) نهرینک منصبتدن بدأ ایدر ، (کامل آغا کوی) نك غربنده (پیروغ) و (ده لیوا) نهرلیله تلاق ایتدیکی نقطه یی قدر مذکور نهری تعقیب ومنصب ایله یوقاریده ذکر ایدیلن محل تلاق آرمسند ، (ره زوایا) نهری اولا جنوب غربیه توجیه ، (بلاقا) یی تورکیاده براقهرق بر دیرسک تشکیل ، وبعده اولا شمال غربیه وصوکره جنوب غربیه توجیه ایدر ؛ (مازورا) (پیروغیلو) قریه لری عثمانلی اراضیسند قایلر . (زهروایا) نهری (پیروغیلو) دن اعتباراً تقریباً بش کیلومترو قدر جنوب استقامتی تعقیب ایله دکن صوکره شمال غربیه دوغری بر دیرسک تشکیل ، وبعده شماله دوغری خفیف برانچنا پیدا ایدر ک غربی استقامتجه تمادی ایله ر . بوقسمده (لیکودی) (قلادارا) بولغار اراضیسند ، (سیقنیغوری) ، (ماورودیو) و (لاوفا) قریه لری تورکیایه قالمده در . بعده حدود یته (ره زوایا) نهرینی تعقیب و (طورفو چنتاک) ی بولغارستانه ترک ایدر ک جنوب شرقیه توجیه ایدر ؛ و (رادوسلاوش) قریه سنی عثمانلی طورراغنده براقهرق مذکور قریه نك تقریباً سکز یوز مترو جنوبندن غربیه دوغری برانچنا یایار ، و (کامل آغا کوی) یی عثمانلی اراضیسند براقهرق مذکور قریه نك تقریباً درت یوز مترو غربنده و (ره زوایا) ایله (پیروغ) و (ده لیوا) نهرلینک تلاق ایتدکری بر نقطه یی واصل اولور .

خط حدود (پیروغ) و (ده لیوا) نهرلینک محل تلاقیسندن اعتباراً شمال غربی استقامتجه وینه مذکور نهر بونجه امتداد ایدر ک و (پاسالا) ، (قندیلجق) ، (ده ل) قریه لری تورکیایه براقهرق (صوغوق صو) نك شرقنده نهایت بولور . بوسوک قریه تورکیایه ، (سه و لیغ) قریه سی ایسه بولغارستانه قالمده در .

خط حدود (صوغوق صو) ایله (سه و لیغ) آرمسندن بعد المورور شمال غربی استقامتده ۶۸۷ ، ۶۱۹ ، ۵۶۳ راقلری اوزرندن کچن تیه یی تعقیب ایدر ک و ۵۶۳ رافنک اوتسند (قاغالیق - قاپیرلیق) قریه سنی عثمانلی اراضیسند براقهرق و مذکور قریه یی اوچ کیلومترو شرق و شمالندن چوپره رک (غوله ما) دره سته واصل اولور . حدود (بوله ما) دره سنی تقریباً ایکی کیلو مترو قدر تعقیب وعین دره نك قاره بانلر (قارم باغلر) ک جنوبندن کلن دیگر قوی ایله ملاقی اولدینی نقطه یی واصل اولور . بونقطه تلاقیدن اعتباراً خط حدود (تورک آلانلی) دن کلن نهر ک شمالنده کی تپه لره کچر ک اسکی عثمانلی - بولغار حدودنده نهایت بولور .

یکی خط ایله اسکی خط حدود ک ملاقی اولدقلری نقطه ؛ (تورک آلانلی) نك ؛ کیلو مترو شرقنده ، واسکی عثمانلی - بولغار حدودینک (آغیری یول) استقامتده شماله دوغری بر دیرسک تشکیل ایله دیکی محله در .

حدود ، بونقطه دن اعتباراً ، طونجه نك غربنده و (درویشقا - موغ) قریه سنک شمالنده واقع (بالابان باشی) یه قدر تماماً اسکی خط حدودی تعقیب ایدر .

یکی خط حدود ، (بالابان باشی) جوارنده اسکی حدوددن آریله رق خط مستقیم استقامتده (دکرمن دره) یه ایدر . یکی حدود ک اسکی حدوددن آریله یی نقطه (درویشقا - موغ) قریه سی کلیسائنده ایکی کیلومترو مسافده بولونمده در . حدود (درویشقا - موغ) قریه سنی عثمانلی طورراغنده براقهدن صوکره (بولغار لک) قریه سته قدر (دکرمن دره) مجراسنی تعقیب ایدر ، و مذکور قریه یی بولغارستانه براقهرق خط حدود ، (بولغار لک) نك شرق و جنوب کنارندن اعتباراً (دکرمن

اولان رومانیایه قرالتک عثمانلو اوردوسی ادرنه یه طوغرو یورورکن کستاخانه صاوورمش اولدینی تهدیدلر هانکی نتیجه یی بخش ایله بیلدی ؟ اوت ! بوکی عنیدی ، کیفی ، ماهیت اعتباریله صرف غصب و غارتدن عبارت اولان قرارلر یالکر قوه تأییدیه اوزریه استناد ایدلدیکی حالده بر حکمی حائز اولاییلر . اگر بالفرض بالقان اتناق باقی ، عثمانلو قوتی اولکی کبی پریشان ، ضعیف و ناتوان بر حالده بولونسه ییدی - غضب و غارته قارشی ایسترایسته من تسلیم نفس ایتک مجبوریتنده بولنیردی . فقط بحمدالله که بوکون یونانستان غضب و غارتی تأیید ایدر بیلجک و سائطدن محرومدر . الله بزی ایقاظ ایچون جزالندیردی ایسه ده اسلامیتک بوقدر خوار و ذلیل اولمسه نه ده بالاخره راضی اولمده یی . دشمنلریمزک آراسنه القای تفرقه ، بزی ده اتحاد ، عزیم وثباته سوق ایله دی . بوکون فضل الهی ایله حال و وضعیت تماماً باشقه در . قومیز یونانستانک کنه قاتقات فائق اولدینی کبی شو حکومتله آرمزده قرارلشمش ، امضالشمش هیچ برشی ده یوقدر . حال حرب تعطیل ایدلش ایسه ده باقی در . بلغارستانله ادرنه یه طوغرو یورور دیکمز اناده وضعیتمز نه ایدیسسه بوکون ده یونانستانله اودر . نه لوندره قونفرانسی ، نه ده بکرش قونفرانسی بزم سربستی حرکاتیزی محید ایدر مز . یونانستان قدر بزده محاربه یی آرزو ایتیمورز . فقط کندیسنی از بیلجک بر قوته مالک اولدیمز حالده ده آطه لر و ما کدونیا کی مسائلک مذاکره و منافع عثمانیه یه موافق بر صورتده حل ایتدیرمک حقندن ده بزی هیچ بر ملاحظه و مطالعه و از کیره مز . بناء علیه یونانستان حکومتی حقیقه صلح عقدینی ایسته یورسه ، محاربه نك تجدینی آرزو ایتیمورسه چوروک اساساته ابتناء نصیب اوقات ایتمه ملیدر و دولت عثمانیه نك نقاط نظریی قبول ایدر ک آطه لر و ما کدونیا مسائلنی ادخال دائره مذاکرات ایله مکله مسئله نك حل چاره سنی تهیته ایتمیدر .

احمد آغا یف

وَتَأْتِيُنَا بِخَبَرِهِ

معاهده صلحیه متنی

عثمانلی و بولغار مرخصلری آرمسند امضا ایدیلن معاهده صلحیه متنک صورت مطبوعه سی ترجمه سی در :

لوندره معاهده سنک عقدندن بری جریان ایدن حادثاتک تولید ایتدیکی احوالی ، براساس متینه مستنداً و دوستانه بر صورتده حل ایتک و ملتینک سلامتی ایچون بک زیاده لازم اولان حسن مناسبات همجواری و دوستی یی تأسیس ایله مک آرزوسیه حرکت ایدن ذات شوکشمات پادشاهی ایله حشمتلو بولغارستان قرالی ، بومعاهده یی عقده قرار و یرمش و بوبابده مرخصلری اولارق :

ذات شوکت سہات پادشاهی نامه :

داخلیه ناظری دولتو طلعت بک ، بحریه ناظری دولتو محمود پاشا ، شورای دولت رئیس دولتو خلیل بک ؛

اوجنچی ماده

طرفین عاقدین آرسنده اشبو معاهده نك امضاسندن اعتباراً ، مناسبات سیاسیه ، و پوسته و تلغراف ، و شمندوفر معاملات در حال تأسیس ایده جکدر . اشبو معاهده نك ایکنجی لاقه سنی تشکیل ایدن (مفیلر) استلافامه سی بوتون بولغارستان اراضیسند تطبیق ایدیله جکدر .

دردنجی ماده

ایکی مملکت آرسنده کی مناسبات اقتصادی نك انکشافنی تأمین ایتک مقصدیله طرفین عاقدین ، اشبو معاهده نك امضاسندن صوکره و یوم مذکور دن اعتباراً برسنه ظرفنده ۶ - ۱۹ شباط ۱۹۱۱ تاریخده منعقد سیر سفائن و تجارت مقاوله نامه سنك موقع اجرایه وضعی ایله محصولات صناعیه ، زراعیه و سایر حقنده دیگر دولتره قارشی موجود تعهداتله قابل تألیف بالجله تسهیلات رسوبیه نك اراضیه سنی تعهد و قبول ایلدر .

۱۸ تشرین ثانی ، ۲ کانون اول ۱۹۰۹ تاریخلی قونسولوسلق بیاننامه سی دخی عین مدت ظرفنده موقع اجرایه وضع اولونه جقدر . مع مافیه طرفین عاقدین ، دیگر دولت قونسولوس مأمورلرینک قبول ایدیله کلری محالده جنرال قونسولو . سلق ، قونسولوس وکیلکی تأسیسنه صلاحیتداردر .

بوندن باشقه طرفین عاقدین بر تجارت مقاوله سی ایله قونسولوسلق مقاوله سی حقنده مذاکرته بولونمق اوزره ممکن اودینی قدر قیصه بر مدت ظرفنده مختلط قومبیسونلر تشکیلنی تعهد ایدرلر .

بشنجی ماده

اسرا و موقوفین حریبه ، معاهده حاضره نك امضالاندینی کوندن اعتباراً نهایت برآی ظرفنده و ممکن اولدینی تقدیرده دها اول مبادله اولونا جقدر . بومبادله معامله سی طرفیندن تعیین اولونا جق مأمورین مخصوصه نك نظارتی تحتنده اجرا ایدیله جکدر .

اسرا و موقوفینک مصارف اعاشه لری ، اسرای مذکور نك نزدنده بولو . ندقلری حکومتلره محمولدر .

مع مافیه حکومت مذکور طرفین تأدیه ایدیلن ضابطان معاشاتی ، ضابطانک منسوب اولدقلری حکومت طرفین تأدیه ایدیله جکدر .

آلتنجی ماده

مخاصماته اشتراك ایدن و یا خود معاهده حاضره دن مقدم تحث ایلین وقایع سیاسیه مدخلدار بولونان اشخاصه طرفین عاقدینجه ، بلا استثنا عفو عمومی بخش اولونمشدر .

ترك ایدیلن اراضی اهالیسی ده اورالده حادث اولان وقایع سیاسیه خصو . صنده عفو عمومی احکامندن عین صورته استفاده ایدم جکدر .

اراضی مذکور نك بولغارستان طرفیندن اشغال اولونه جفی ائاده تأسیس ایدم جک اولان حکومت قانویه طرفیندن اهالییه قارشی تعیین و اعلان اولونه جفی وجهله ، اشبو عفو عمومی احکامندن استفاده مهلتی ، تاریخ اعلاندن ایکی هفته صوکره نهایت بولاجقدر .

یدنجی ماده

حکومت عثمانیه طرفیندن بولغارستان قرائغه ترك ایدیلن اراضی اهالی اصلیه سی بولغار تبعه سی عدادینه داخل اوله جقدر .

بولغار تابعیتنه کچن اشبو اهالی اصلیه درت سنه ظرفنده ، بولغار حکومت محلیسنه علی العاده بریاننامه ویرمک و حکومت عثمانیه قونسولسلقرینه قید ایدمک صورته اولدقلری یرده عثمانی تابعیتنی اختیار ایتک حقنی حائز اولاجقدر .

بویاننامه ، ممالک اجنبیه ده بولغار قونسولسلخانه لرندن برینه ویریله جک و عثمانی شهیدر لکری طرفیندن قید و تحریر اولونه جقدر . اختیار تابعیت حقنی ، شخصه منحصر اولوب حکومت سنیه ایچون بر مجبوری متضمن دکدر .

الیوم صبی بولونالر ، سن رشنده وصولرندن اعتباراً درت سنه ظرفنده اختیار تابعیت ایتک حقنی حائز بولونه جقدر .

ترك ایدیلن اراضیه کی بولغار تبعه سی حالی اکتساب ایدن اهالی اسلامیه ،

دره) مجراسنی ترکه غربه دوغری توجه ایتکده و (مسلم لک) ، (دیمتری کوی) قریه لرینی عثمانی اراضیسند بر اقره رق (بویوک دره) ایله (دیمرخان دره) آرسنده کی صولرک خط انقسامنی تعقیباً « مرچ » (مصطفی پاشا) نك شرقنده شماله دوغری تشکیل ایلدیک دیرسکنک اک شمالی نقطه سنه واصل اولمده در . حدود دکرمه قدر (مرچ) دیرسکنک غرب قسمنی تعقیب ایله اورادن خط مستقیم استقامتده اولارق شمندوفر کوبرسکنک شمالنده واقع (چرمن دره) یه واصل اولور .

(چرمن دره : چرمن قریه سنک اوج کیلومتر و شرقنده مرچیه آقان دره در) بعده حدود شمالدن (چرمن) ی چوپره رک (تازی تپه سی) نه کیدر .

حدود (چرمن) ی تورکیایه بر اقره ، و (چرمن دره) مجراسنی تعقیب ایدرک (چرمن) ک شمال غربیسند شمندوفر خطنی قطع ایدر . و دائماً عین نهری تعقیب ایدرک تازی تپه سنه چیقار (۶۱۳) . (خط حدودک ، چرمنک شمال غربیسند شمندوفر خطنی قطع ایتدیک نقطه ، چرمن قریه سندن بش کیلو مترو و مصطفی پاشا کوبرسکنک غرب قسمندن ۳۲۰۰ مترو مسافه ده در .) حدود ، (تازی تپه سی) نك اک مرتفع نقطه سنی عثمانی اراضیسند بر اقد . قدن صوکره ، بونقطه دن اعتباراً عثمانی اراضیسند قالان (یا لاجق) (کولجک) قریه لرندن کچرک (آردا) و (مرچ) نه لرینک خط انقسامنی تعقیب ایله مکده در . (کولجک) دن اعتباراً حدود ۴۴۹ راقندن مرور ایدر ، و بعده ۳۶۷ راقنه اینر و بورا قندن اعتباراً جنوب استقامتده همانده خط مستقیم شکندده آردایه توجه ایلدر . بوخط مستقیم عثمانی اراضیسند قالان (بکتاشلی) نك برکیلو مترو غربندن مرور ایدر .

خط حدود (آردا) ده ۲۶۷ راقنه واصل اولدقندن صوکره شرقه دوغری (آردا) نك صاغ ساحلنی تعقیباً (چینکیرلی) قریه سنک برکیلو مترو جنوبنده بولونان دکرمه واصل اولور ، و بودکرمندن اعتباراً ، (غایدخور . دره) نك شرقنده بولونان نه لرک خط انقسامنی تعقیب ایدر ، (غایدخور) قریه سنک برکیلو مترو شرقندن مرور و (دره یسنا) قریه سنی بولغارستانه بر اقره رق و مذکور قریه نك تقریباً برکیلو مترو قدر شرقندن کچرک په نبو قریه سنک برکیلو مترو جنوبنده واقع (آتهره دره) یه اینر ، اورادن جنوب غربی استقامتده ، اک قیصه طریق ایله (آقالان) و (قایلقلی کوی) آرسنده آقان دره نك منصبنه دوغری کیدر و (قیزیل دلی) یه ایتک اوزره مذکور صویک یا تاغنی تعقیب ایدر . حدود بودره دن اعتباراً ، (کچیک بیکار) ی بولغارستانه بر اقره رق (قیزیل دلی دره) یه کچر ، و اورادن (ماندریقا) نك درت کیلومتر و جنوبنده و (صوغانلق بالا) نك اوج کیلومتر و شرقنده بولونان نقطه دن جنوبه آیریلان دره یا تاغنی تعقیباً عین دره نك منصبنه کیدر ، بعده اک قیصه طریقله (ماندر . دره) سنه اینر ، و (ماندر) نك غربنده (مرچ) . ملاقی اولوق اوزره ، منبعندن اعتباراً (ماندر) دره) سنی تعقیب ایدر . بوقسند (قرانتو) قریه سی بولغارستانه ، و (بازکلیسا) ، (آخرجان بیکار) و (ماندر) قریه لری تورکیایه قالمده در .

بونقطه دن اعتباراً ، حدود (قالدیرکوز) قریه سنک ایکی بچق کیلومتر و جنوبنده ایکی قوله آیریلدینی نقطه یه قدر (مرچ) نه ری یا تاغنی تعقیب ایدر ، اورادن ، بحرسفیده منتهی اولوق اوزره (فرم جک) ک یاقینندن کچن صاغ قول یا تاغنی تعقیب ایدر ، بوقسند (آق صو) یا تاغنی ، (کنهلی) و (قازیقلی) کوللری تورکیایه ، (طوزله) ، (درامه) کوللری بولغارستانه قالمده در .

ایکنجی ماده

اشبو معاهده نك مرخصلر طرفیندن امضاسندن اون کون صوکره ، طرف دیگره عائد اراضیده بولونان طرفین عاقدین اردولری اراضی مذکوریه یی تخلیه و اون بش کون ظرفنده طرف دیگر مأمورلرینه تسلیسه شتاب ایدم جکدر .

شوراسی ده مؤتلف فیه درکه دولتین مشارالیه اشبو معاهده نك امضاسندن اعتباراً اوج هفته ظرفنده اردولرینی ترخیص ایله جکدر .

دولته عائد اولان املاك خصوصیه امیریه حقننده دخی عین احکام معمول به اوله جقدر . بیع و فراغ وقوعنده شرائط متساویه داخلنده، بولغار تبعه سی حق رجحانی حائز بولوناجقدر .

اون دردنجی ماده

طرفین عاقدین ، ولایتده کی مأمورلرینه قبرستانلر و علی الخصوص میدان حربده ترک حیات ایدن عساکرک مقبرلرینه لازمه حرمتی ایفا ایتدیرمک ایچون ایجاب ایدن اوامری ویرمکی تعهد ایدرلر .

مأمورین حکومت ، محاربهده تلف اولوب اجنبی طور اغنده مدفون بولونان عساکرک بقایای عظامنی نقل ایتک تشبثنده بولنان ابون و اودایه ممانعت ایتیه جکدرلر .

اون بشنجی ماده

دولتین عاقدین تبعه سی هرایکی طرفه عائد اراضی ده اولجه اولدینی وجهله ، اقامت ایده بیله جکری کی اورادن مرور ایتک حق و صلاحیتنی ده حائز بولوناجقدرلر .

اون آلتنجی ماده

بولغارستان حکومت قریله سی کندیسنه ترک ایدیلن اراضی داخلنده بولونوبده امتیازی روم ایلی تیمور یولی شرکتته عائد بولونان خط اقسامی ایچون حکومت سنیه نك مذکور شرکتته قارشی حائز بولوندینی حقوقده ایفاسنه مجبور اولدینی تهداتنده حکومت سنیه مقامنه قائم اولقددهدر .

بولغارستان حکومتی شرکتته عائد اولوبده محاربه اشناسنده مصادره ایله دیکی مواد متحرکه ایله اشیای سائرین بلا تأخیر اعاده ایله مکی تعهد ایدر .

اون یدنجی ماده

اشبو معاهده نامه نك اون برنجی ، اون ایکنجی ، اون اوچنجی و اون آلتنجی ماده لرینک تفسیر و تطبیقندن دولایي تحث ایتیه سی ملحوظ بولونان نزاع و اختلافات متن معاهده یه مربوط اوچنجی لاحقه موجبنجه لاهی صلح محکمه سنده حکم اصولیله حل و فصل اولوناجقدر .

اون سکنزنجی ماده

برنجی لاحقیه تشکیلی ایدن حدوده متعلق پروتوقول ، مقتیله عائداتلا فنامه (ایکنجی لاحقه) ، حکم مقاوله نامه سی (اوچنجی لاحقه) ، سرع نهر یله تیمور یولندن باحث بولونان پروتوقول (دردنجی لاحقه) ، اوننجی ماده یه عائد اولوبده بشنجی لاحقیه تشکیلی ایدن بیاننامه ، مربوط بولوندققری اشبو معاهده نامه نك برقم لاینفکنی تشکیلی ایدرلر .

اون طقوزنجی ماده

لوندیره پروتوقولنده حکومت سنیه ایله بولغارستانه متعلق بولنان احکام ، بالاده کی مواد موجبنجه حکمدن ساقط اولاماش ویا تعدیل ایدیه مش ایسه سرعی و معتبر عد ایدیه جکدر .

یکرمنجی ماده

اشبو معاهده نامه امضا ایدیلر ایدیلر معمول به اوله جقدر . معامله تصدیقه تاریخ امضادن اعتباراً اون بش کون ظرفنده ایفا و اکال ایدیه جکدر .

طرفین مرخصلری بالاده مذکور مواد و احکامی تصدیق و معاهده زیرین تخیتم و امضا ایله مشلرلر .

اشبو معاهده نامه ۱۶ ایلول ۳۲۹ ، ۲۹ ایلول ۱۹۱۳ تاریخنده استانبولده نسخین اولارق تنظیم ایدیلشدر .

حکومت سنیه نامه

بولغارستان نامه

[اشبو معاهده یه تذیل ایدیلن پروتوقوللارده کله جک هفته درج

اولنه جقدر]

« توسیع طباعت » مطبعه سنده
باصیلشدر

ع . اشرف ارباب

بومهلث ظرفنده ، هیچ برخدمت عسکریه یه تابع طوتولایه جق و هیچ برحرب ویرکوسی ویرمیه جکدرلر .

انتخاب تابعیت حقنی استعمال ایدن مسلمانلر نهایت سالف العرض درت سنه ظرفنده ، اراضی متروکه کی ترک ایده جک و اموال منقوله لرینی اخراجات رسومنه تابع اولمایه رق برابر کورتور مکده صلاحیتدار بولونه جقدرلر . مع مافیه شهر داخل ویا خارجنده کی املاکری محافظه ایتک ویا اشخاص ثلثیه اداره ایتدیرمک حقنی ده حائز اولاجقدرلر .

سکنزنجی ماده

بولغار اراضیسنده بولغار تبعه سندن بولنان مسلمانلر ، اصلاً بولغار اولان تبعه نك حائز بولوندینی عموم حقوق مدنی و سیاسییه مالک اولاجقدرلر .

حریت وجدان ، حریت و مراسم دینییه خصوصنده تمامیه سربست بولوناجقدرلر ، عادات اسلامییه حقیه رعایتکار بولونیه جقدر . نام هایونک ، صفت خلافتیه اضافه اشنا ی عباداتده یاد و تذکارینه کافی السابق دوام اولوناجقدر .

حال حاضرده مؤسس بولنان وایلریده تأسیس ایدیه جک اولان جماعات اسلامییه ، و جماعات اسلامییه نك سلسله مراتبی ، امتیازاتی سرعی و معتبر اولاجق و بوجاعات بلا مداخله رؤسای مذهبییه نك تحت اداره سنده اولاجقدر .

طقوزنجی ماده

تورکیاده کی بولغار جماعتی ، ممالک عثمانیه ده بولونان سائر جماعات خرسیتیانه نك حائز اولدینی حقوق حاضرده نك استفاده ایده جکدر . عثمانی تبعه سندن اولان بولغارلر ، اموال منقوله و غیر منقوله لرینی محافظه ایده جک و حقوق شخصییه و ملکیه لرندن مستفید اولق خصوصنده برکونا مشکلاته دوچار ایدیه یه جکدرلر . وقایع اخیرده وطنلرینی ترک ایده رک فرار ایدنلر نهایت ایکی سنه ظرفنده ملکترینه عودت ایده بیله جکدرلر .

اوننجی ماده

الحاق اراضیدن مقدم موجود اولان حقوق مکته سبه ایله صلاحیتدار مأمورین عثمانیه طرفندن اجرا و عقد ایدیلن معاملات و مقاولات عدلیه ، بر دلیل سلی قانونی حادث اولما دقجه ، معتبر عد اولونه جق و نقض ایدیه یه جکدر .

اون برنجی ماده

متروک اراضیده کی حق تصرف املاک ، شهر داخل ویا خارجنده بولونان اموال غیر منقوله حقننده کی قوانین عثمانیه احکامی دائره سنده بلا تحدید معتبر اوله جقدر .

اراضی مذکوره ده کی اموال منقوله و غیر منقوله اصحابی موقت ویا دائمی بر صورتده بولغارستان خارجنه نقل مکان ایتسه لر دخی ، حقوق ملکیتلرندن مستفید اوله جقدرلر . اصحاب املاک ، ملکترینی ایجار و التزام ویا شخص نالک واسطه سیله اداره ایده بیله جکدرلر .

اون ایکنجی ماده

اراضی متروکه ده کی مستثنی ، ملحقه ، اجارینلی ، مقاطعه لی و اجاره واحدلی اوقاف ایله اعشار وقفیه ، قوانین حاضرده عثمانیه نك مفادی موجبنجه ، معتبر قالد جق و مرجع عائدی طرفندن اداره اولونه جقدرلر . قیمتلرینه معادل تضمینات پیشیناً ویریله دیکه تابع اولدققری اداره خصوصیه تعدیل اولونه ماز .

مؤسسات دینییه و خیرییه عثمانیه نك اراضی متروکه ده کی حاصلات وقفیه اوزرنده ، اجاره واحد و مقاطعه و صور سائر ، بدل مثل ، اعشار وقفیه .. الخ نامیه اولان حقوقی وکالک بنا حالنده اولان ویا اولمایان اوقاف اوزرنده کی حقوق سائر سی مصون و محفوظ بولوناجقدر .

اون اوچنجی ماده

ذات حضرت پادشاهی ایله خاندان عثمانی اعضاسنک املاک خصوصیه لر ی باقی و مصون قالد جقدرلر . ذات حضرت پادشاهی و خاندان عثمانی اعضاسی ، املاک خصوصیه لرینی وکیل مرخصلری واسطه سیله ایجار و التزام صورتیه اداره و فروخت ایده بیله جکدرلر .